

大藏聖教法寶標目卷第六

岱六

元清源居士王古撰

瑜伽師地論一百卷 右無著菩薩諮問  
彌勒大乘經義還闍浮提以己所聞為  
餘人說多不生信無著即自發願請彌  
勒夜降闍浮放大光明廣集有緣誦出  
十七地經隨所誦出隨解其義經四月  
夜方竟雖同在一堂聽法唯無著得近  
彌勒餘但遙聞此論奘法師譯梵語瑜  
伽此云相應謂一切乘境行果等所有

諸法皆名相應境謂一切所緣境此境與  
心相應故名相應行謂一切行此行與理  
相應故名行相應愚謂三聖果此果位中  
諸功德法更相符順故名果相應師謂三  
乘行者由聞思等次第習行如是瑜伽隨  
分滿足展轉教人故名瑜伽師地謂十七  
地境界謂五識相應地意識相應地有尋  
有伺地無尋有伺地無尋無伺地尋謂尋  
伺謂伺  
二種於境審細位名伺舊名覺觀出諸經音義  
三摩四多地非三摩四多地有心地無

心地聞所成地思所成地修所成地聲聞

地獨覺地菩薩地有餘依地無餘依地

顯揚聖教論二十卷 慶尺

右無著菩薩造宣說瑜伽師地論中要義  
顯揚聖教文約義周使人易曉區別義類

爲十一品錯綜該羅法義深廣

大乘阿毗達磨集論七卷 璧

右無著菩薩造解釋五蘊十八界六度四攝四無量行四諦三十七菩提分等法義

令後學披覽略文知深廣妙義

### 王法正理論

右彌勒菩薩造說出受王問佛言有訶諫  
我不真實過失心不悔惱有讚我不真實  
功德心亦不喜准佛能知諸王過失功德  
真實願爲我說佛言王有九種過失一不

供六

二

自在二性暴惡三猛憤發四恩惠薄五受  
邪佞六所作不思七不顧善法八不知差  
別九縱任放逸無此過失爲九功德又有  
五種衰損門五方便門又有五可愛樂法  
王能遠離過失修習功德當獲一切利益

安樂

瑜伽師地論釋

右最勝子等諸菩薩造略釋瑜伽師地法義

顯揚聖教論頌

右無著等造頌十一品釋諸法要

大乘雜集阿毗達磨論十六卷 非寶

右安慧菩薩翻釋上集論

中論四卷

右龍樹菩薩造佛入滅已論宗紛諍大士

永樂北藏

大藏聖教法寶標目

第一七七冊

依大般若義造論以折中此論無言不窮  
無法不盡會通真俗有無斷常之邊見故  
名曰中論亦名中觀以觀辯於心論定於  
口耳觀法師序云百論治外以闡邪中論  
祛內以流滯大智釋論之淵博十二門觀  
之精詣尋斯四者真若日月無不朗然鑑  
卷六徹矣予翫之味之不能釋手云

般若燈論十五卷 寸

右龍樹菩薩本分別明菩薩釋顯深妙法  
明佛道因破迷滅闇息諸惡見分別照明

列爲二十七品與中論本同譯異

百論二卷

右提婆菩薩造天親釋肇法師序云此論以自爲名理致淵玄統群籍之要文義婉約窮製作之美什法師常所詠味以爲心

要

十二門論

右龍樹造麻法師序云十二門者總衆枝之大數門者開通無滯之稱窮理盡性實相之折中道場之要軌也

十八空論

右十八空者一內空二外空三內外空四  
大空五空空六真實空七有爲空八無爲  
空九畢竟空十無前後空十一不捨離空  
十二佛性空十三自相空十四一切法空

十五無法空十六有法空十七無法有法  
空十八不可得空

廣百論

右聖天菩薩造釋百論法義

廣百論十卷 陰是

右聖天菩薩造論護法菩薩釋論破一切執有滯空之見妙闇中道使學者了悟真空故唐奘三藏於西域法師隨聽隨譯成此十卷

十住婆沙論十六卷 競資

佛六

四

右龍樹造大不思議論十萬頌釋華嚴經備傳西域此論十六卷即是彼論釋十地中初之二也

菩提資糧論六卷

右龍樹菩薩造說諸菩薩求無上菩提皆

以般若波羅蜜多為母諸佛皆由此出生故六度萬行三十二相出生之業及種種菩薩之行微妙法門詞約義廣理圓事備求一切智者之妙門大路

大乘莊嚴經論十三卷 父

右無著菩薩造解釋大乘菩薩從初發心至成一切智修習證入種種功德法門天竺三藏云西域大小乘學皆以此論為本於此不通未可弘法論初說造此論者以五義譬一如金成器令信向轉彼心故二

如華敷開示彼故三如食美饍得法味故  
四如解文字爲令修習更不思故五如開  
寶篋實證得故

大乘莊嚴經論一十五卷 君

右馬鳴菩薩造說菩薩修習大乘功德種

種法門

順中論二卷

右龍樹造無著菩薩釋破空有二邊之執

是般若波羅蜜多初品空義

攝大乘論三卷

攝大乘論釋一十五卷 曰嚴

之

右論本三卷無著造釋論十二卷世親菩  
薩造解兄論本義

攝大乘論三卷

攝大乘論二卷

右與前論本同譯別

攝大乘論釋一十卷 與

右無著菩薩造真諦三藏第一譯收攝一  
切大乘聖教法門要義總集于此而辯明

右晉西竺三藏達摩笈多譯

攝大乘論釋十卷 故

右唐玄奘譯第三出巴上三論釋本同譯

別

攝大乘論釋十卷 孝

右無性菩薩釋唐玄奘譯與前三論本同

譯別

佛性論四卷 當

右天親菩薩造解釋佛說一切衆生皆有  
佛性論十品說自性十相爲顯二義一顯

決定藏論三卷

右顯了大乘全量八識心境分量善惡因

果論述此理卷六決定無移

辯中邊頌論

右彌勒說執空執有爲二邊虛妄分別有  
於此一都無此中惟有空等頌辯中邊二  
義故

本有不可思議境界二顯依道理修修行  
可得三顯已能令無量功德圓滿究竟故  
造斯論

中邊分別論二卷

辯中邊論三卷 竭

唐譯第二右世親菩薩造釋彌勒中邊論  
頌此論說七義一相二障三真實四修諸  
對治五即此修分位六得果七無上乘

究竟一乘寶性論四卷

右不顯造者顯示第一義諦佛性體相德  
用等

大乘成業論

因明正理門論 力

右陳那菩薩造本同譯別詳略有異唐譯  
卷六後序云此論抗辯標宗摧邪顯正因談照  
實明彰顯理入言趣本正以離邪西方時  
彦鑽仰深

因明正理門論

右大龍菩薩造釋因明論

唯識論

右天親菩薩造本論序云此是諸佛甚深境界非是凡夫二乘所知此論大末明三種空一者人無我空二者因緣法體空三者真歸佛性空我空者凡夫妄想於五陰因緣法中見我爲有實不可得猶如兔角五陰無常我亦無常如是知者名人無我空因緣法空者如薪火相待無實離薪無火離火無薪見火說假名薪見薪說假名

火能成所成相待不離能所亦實無是名因緣法體空真如法空者佛性名第一義空無世間色相有爲法故非是同於無性法故以具真如法體故名不空空是名真如法空實無前境界但衆生妄見有外境惱結使心不破佛性清淨心也

唯識二十論

唯識三十論

大乘唯識論

右天親菩薩造

轉識論

顯識論

右已上並說三界唯識法義

成唯識寶生論五卷

卷六

右天親造三十本頌說唯識義護法菩薩

卷六

唯識論釋

成唯識論十卷 忠

右護法安慧菩薩等十師造此論能成就

天親三十頌論令義理圓成故名成唯識論盡述理之微闡法王之奧爲令學者破空有迷謬孰生正解斷重障證真解脫故

大丈夫論二卷 則

右提婆菩薩造論云能成種智果施因爲

最大一切衆事具無不由施成施是生大道出世之胞胎救一危難人勝餘一切施

一切善法行悲心施爲首二十九品廣曉

施法

入大乘論二卷

右堅意菩薩造欲爲衆生遮苦因故爲救  
偏執邪見顛倒思惟不解實義不順佛智  
謗正法得大罪報者如是得生聞修思乃  
至具足一切智故

大乘掌珍論二卷

右清辯菩薩造序云爲悲憫世間種種邪  
見生死籠樊無量憂苦故欲令學人易證  
真空速入法性故略製此如掌珍論

大乘起信論

右梁真諦第一譯馬鳴菩薩撮略百本大

乘經宗旨造此論爲欲令衆生除疑捨邪

執起大乘正信佛種不斷故

寶行王正論

右說一切國王御國治民善惡功罪違理  
順理苦樂因果修集相好敬愛正法等種

種法門

大乘五蘊論

世親菩薩造

大乘廣五蘊論

安慧菩薩造

右說色蘊十五種受蘊八種想蘊亦八種

行蘊有七十三法識蘊亦八種造善造惡  
生樂趣苦趣有無量功能積聚故名蘊

發菩提心經論二卷 盡

右說發菩提心因緣功德天親造論廣明

經義

大乘起信論二卷

右唐實叉難陀譯與前真諦所譯本同譯  
別文或有異序述其詳云大乘明鏡莫過  
於此

三無性論二卷

右三無性者一分別相無自性二依他生  
無自性三真實勝義無自性性

如實論

右如無乖異實非妄倒義理真實

方便心論

右如鍊金須藉爐火人工爲其方便乃可  
成金菩薩修行須明達佛理以爲方便乃  
得成道

觀所緣緣論

右陳那菩薩造心爲能觀緣境爲所觀心  
境非一故言所緣緣如眼觀色境色是所  
緣眼識爲能緣等

觀所緣論釋

右護法菩薩造解釋前論

無相恩虛論

右陳那菩薩造意識細境非緣外境故名  
無相識心分別至鄰虛位極微細故名恩  
虛

迴諍論 命

右佛入滅後異見偏執遂多諍論龍樹造  
論迴邪歸正一切論義皆能解釋

提婆菩薩釋楞伽經中外道小乘涅槃論

右解釋佛說涅槃因果正義破二十種諸  
外道邪見異論

提婆菩薩破外道小乘四宗論

右破外道論師一切法一異俱不俱四宗  
義

緣生論

右解在此字函緣生經

掌中論

右陳那菩薩造說三界但有假名實無外境由妄執故謂繩爲蛇善觀察時繩亦無實體妄識分別知相假借無實可得知一切法但是假法

壹輸盧迦論

右龍樹造說一切法自體性空故無有常一切佛緣覺聲聞於空法中而得出離非於諸行斷常法中而得解脫

大乘百法明門論

百字論

右提婆造破我見等一切諸法谷有自相義

手杖論

右論言世間一類有情爲無慧解便生邪

右天親造一切法略有五種一心法略有八種二心所有法略有六種徧行有五別境有五善有十一煩惱有六隨煩惱有二十不定有四三色法略有十一種四心不相應法略有二十四種無爲法略有二種

執由此沉淪爲憐憫此等愚蒙作手杖論

取因假設論

右陳那菩薩造取者執也因者對果假者虛妄設者施設佛化衆生不壞世間依假施設事而宣法要使之開悟永斷煩惱

六門教授習定論

右無著本天親釋爲欲利益一切有情令習世出世定速離煩惱得解脫故說此修習靜定法門佛言先當依定能盡有漏求出生死海者離於正定無別方便

大乘法界無差別論

右說衆生界不異法身法身不異衆生界平等解脫一味無別如日輪爲雲所覆而性常清淨

十二因緣論

右解十二支法義

止觀門論頌

右世親菩薩造七十頌論修習定慧是入聖妙門

觀總相論頌

右陳那菩薩造諸法有總相別相差別此略頌總相義

解捲論

右論云三界唯以言名爲體由強分別非

實有法爲生不顛倒智故造此論

長阿含經二十二卷 臨深

右阿含者秦言法歸蓋萬行之淵府總持之林苑道無不由法無不在譬彼巨海百川所歸故以法歸爲名也開斥修途所記長遠故以長爲目此經四分合三十經以

爲一部辯邪正如晝夜昭報應若影響見遠劫如朝夕視六合猶目前朗大明於幽室慧五目於衆瞽不窺戶牖而智無不周矣出華嚴法師序

第一卷說七佛本緣壽量眷屬法會第二降生入胎出家成道乃至涅槃等緣第三至第四說佛將涅槃遊行化度乃至入滅分布舍利事第五說佛過去世爲大臣捨家學道次說廣化人天事第六說劫初已來有五種姓種種轉變因緣次說往昔轉

輪王福德修行事第七外道說死後斷滅無善惡報迦葉意女說法破其蔽惑第八至十佛說法教化外道次舍利弗說一增至十等種種法相義次大緣經解十二緣法甚詳次天帝釋問佛佛爲說法義第十一卷阿覩夷品佛爲外道梵志說法次善生經爲長者子六向拜佛爲說賢聖法中禮六方法第十二卷清淨經世尊說佛制法教授弟子清淨微妙離苦得道次自歡喜經舍利弗讚說佛法無上智慧神通一

切世間無與等者次大會經十方諸神天人等皆來集會禮敬如來佛爲諸衆種種結呪第十三阿摩晝經外道使弟子觀佛佛爲調伏說外道邪僞佛法真正佛弟子明行具足第十四梵動經佛說甚深微妙火法光明說諸六十二邪見第十五種禮經佛說法調伏婆羅門衆次究羅檀頭經亦爾第十六佛不許弟子現神足次說比丘問諸天四大從何而滅義天不能答還復問佛佛爲說法次說調伏婆羅門等第

十七沙門果經阿闍世王問佛佛爲說此經次布咤婆樓經次露吒經皆佛說法調伏婆羅門外道等第十八記說大千中千世界四洲轉輪王等事題云世記經第九說地獄及諸龍金翅等事第二十說脩羅諸天及日月宮事日月天子生日月宮因緣第二十一說三災天脩羅戰鬪事二十二說三中劫及世本緣劫初等事中阿含經六十卷 履至清  
右此經凡四分一十八品第一七法品十

經第二業相應品十一經第三舍利子相應品十一經第四未曾有法品十經第五習相應品十六經第六王相應品十四經如是一十八品中總二百二十二經別法門浩博詞義廣妙不可具舉內有五十三經本同譯別皆出中阿含經具解於後卷六  
十五增一阿含經五十一卷似至如

右此部經凡有五十品總四百七十二經別佛涅槃已迦葉阿難等結集如來法寶一代時教分爲三分經律論藏復以契經

分爲四段一名增一二名中三名長阿含  
名瓔珞四雜經在後增一謂佛告比丘當  
修一法謂念佛乃至念死等二從二法三  
從三法乃至九十從一增一義豐慧廣契  
經義深故名舍明定前多說四諦十二緣

五陰六入十八界後出世界成敗佛成道

度人又七佛得道制戒等

出寶唱錄云

雜阿含經五十卷

松至流

右迦葉阿難與諸大阿羅漢結集三藏集  
一切長經爲長阿含從一事至十事從十

事至十一事爲增一雜比丘比丘尼優婆  
塞優婆夷諸天雜帝釋雜魔雜梵王集爲  
雜阿含出四分律第五十四畔此部經說事既雜故無  
品次誦等差別自餘雜說集爲一部名修  
多羅出五分律第三十

別譯雜阿含經二十卷 不息

右此部經與前經文雖先後不次細尋不  
出前經此但撮要故爲別部契經開四增  
一明人天因果長阿含破邪見中阿含明  
深義雜阿舍明禪定出天台智者法華文

句第一

佛般泥洹經二卷

是佛般泥洹下諸經並四含中別經異譯

淵

大般涅槃經三卷

般泥洹經二卷

右三經本同譯別說佛欲捨壽入滅人天

聞法受度純陀末後獻供人天禮送分布

舍利乃至略說結集等種種因緣出長阿

合經第二至第四卷同本異譯

人本欲生經

右佛爲阿難演十二因緣五陰八解脫等

法出長阿含經第十卷與大方便經同本  
異譯  
尸迦羅越六向拜經

右長者子日拜四方上下而不知法義佛  
爲說種種在家善惡諸法出長阿含第十  
一卷

梵志阿飈經

右梵志自矜種姓豪貴聰辯智慧佛爲說  
法化度此經演戒定慧種種法義出長阿  
含經第十三卷與阿摩訥經同本異譯

梵網六十二見經

右說外道起種種見唯佛法真正出長阿  
舍經第十四卷與梵動經同本異譯

寂志果經

右阿闍世王問外道六師不契王意王來  
佛六十七問佛佛爲說沙門受學證果等法出長阿  
舍經第十七卷與沙門果經同本異譯

起世經十卷 澄

起世因本經十卷 取

右隋譯二經同本異譯因本經十二品說

四大洲種種事次轉輪王品說輪王出世  
種種事地獄品詳說種種地獄受一切苦  
種種事諸龍金翅鳥品阿脩羅品四天王  
品三十三天品各說諸趣中種種事鬪戰  
品說天脩羅戰鬪事劫住品住世品說劫  
成壞事最勝品說劫住已來日月寒暑立  
主治民種種事

大樓炭經六卷 映

右佛說四洲轉輪王地獄脩羅諸龍金翅  
鳥諸天阿脩羅戰鬪大小三災劫天地初

成時種種事已上三經出長阿含經第十八至二十二卷與記世經同

譯本異

阿含中別經異譯

長阿含十報法經上下二卷

右舍利說種種善不善法從一法增至十法聚成無爲出苦滅惱出長阿含經第力

卷同本異譯

中本起經上下二卷

右說佛初成道度五拘隣次化迦葉目連舍利弗瓶沙王波斯匿王等及給孤獨園捺女受化及食馬麥等事從佛般泥洹下十三至出長

鹹水喻經

右說衆生沒溺生死河四果人得出到彼岸出中阿含經第一卷與水喻經同本異

譯

一切流攝守因經

右說斷諸有流得度世種種調伏法出中  
阿含經第三卷與漏盡經同本異譯

四諦經

右佛爲諸弟子演苦集滅道法出中阿含  
經第七卷與分別聖諦經同本異譯

瞻婆比丘經

恒水經

右佛欲說戒目連擯黜不淨比丘因說此  
經出中阿含經第九卷與瞻婆經同本異  
譯

本相倚致經  
緣本致經

右二經本同譯別說善惡法皆有依本出  
中阿含經第十卷與本際經同本

頂生王故事經

卷六

十九

文陀竭王經

右二經本同譯別說昔轉輪聖王受大福  
樂升忉利天以貪欲墮而死出中阿含經  
第十一卷與四洲經同本

闍羅王五天使者經

鐵城泥犁經

右二經同本異譯說地獄罪報出中阿含

經第十二卷與天使經同本

古來世時經

右說佛因地供養一辟支佛十四返人天

中尊及說當來彌勒時世快樂出中阿含

經第十三卷與說本經同本異譯

阿那律八念經

右八請少欲知足隱處精進制心定意智

慧捨家出中阿含經第十八卷與八念經

同本異譯

離睡經

右佛爲目連說種種離睡眠蓋法出中阿含經第二十卷與長老上尊睡眠經同本

異譯

是法非法經

右說賢者法及不賢者法教戒當行不當行事出中阿含經第二十一卷與真人經

同本異譯

求欲經

右四種人有無求欲知不知真如差別出

中阿含經第二十二卷與穢經同本異譯

受歲經

右說比丘善惡法出中阿含經第二十三

卷初與比丘請經同本異譯卷六二十

梵志計水淨經

右說斷結生善處出中阿含經第二十三

卷與水淨梵志經同本異譯

苦陰經

右出中阿含經第二十五卷與苦陰經同

本異譯

苦陰因事經

右說念著三毒苦陰等事二經同本異譯

出中阿含經第二十五卷與苦陰經同本

釋摩里本經

樂想經  
右說世間苦多樂少教勸出家學道

右說許想種種已知未知法出中阿含經  
第二十六卷與想經同本異譯

漏分布經

瞿曇彌記果經

右說受想行等本起分布受殃滅盡等皆以八正道得畢苦出中阿含經第二十七卷與達梵行經同本異譯

阿耨飈經晉言依次

右說善惡報差別出中阿含經第二十七

卷與阿奴波經卷六同本異譯

諸法本經

右說斷受棄欲入正慧得苦際法出中阿

含經第二十八卷初與諸法本經同本異譯

右彌與阿難請佛令比丘尼出家戒律事出中阿含經第二十八卷與瞿曇彌經同

本異譯

瞻婆比丘經

右出中阿含經第三十九卷與瞻波經同

本異譯

伏煙經

右說十伏煙法出中阿含經第三十卷與行欲經同本異譯

魔燒亂經

弊魔試目連經

右魔燒試目連目連爲說往昔魔燒佛弟子墮大地獄事二經本同譯別出中阿含

經第三十卷與降魔經同本

賴吒和羅經

右賴吒和羅長者子也見佛聞法捨家證

果還爲其家及國王說法王亦得道果出中阿含經第三十卷與賴吒和羅經同本異譯

善生子經

右與淵字凶大向拜經本同譯別出中阿含經第三十三卷與善生經同本異譯

數經

右婆羅門學數問佛佛爲說法出中阿含

經第三十五卷與筭數目犍連經同本異

譯

梵志頰羅延問種尊經

右婆羅門種自謂尊大佛爲說此經出中阿含經第三十七卷與阿攝和經同本異

譯

三歸五戒慈心獸離功德經

右校量種種布施及三歸依行慈等福

須達經

右二經同本異譯出中阿含經第三十九

卷與須達多經同本

佛爲黃竹園老婆羅門說學經

右佛爲婆羅門說佛坐道場得四禪三明

婆羅門歸信與中阿含經第四十卷蘆

園經同本異譯

梵摩喻經

右說梵志見佛相好威神功德歸依三寶  
遂證道果出中阿含經第四十一卷與梵  
摩經同本異譯

尊上經

右天間比丘偈義比丘請佛佛爲說經出

中阿含經第四十三卷與釋中禪室尊經

同本異譯

鸚鵡經  
兜調經

右婆羅門名也死爲狗還在其家佛爲說

宿命并種種因果事二經本同譯別出中

阿含經第四十四卷與鶠鵠經同本

意經

右說比丘問佛佛爲說此經遂得道果出

中阿含經第四十五卷與心經同本異譯

應法經

右說世間四法現在與後受報苦樂事出

中阿含經第四十五卷與後受法經同本

異譯

泥犁經

右說惡道苦惱因果報應事出中阿含經

第五十三卷與癡慧地經同本異譯

優陀夷墮舍迦經

齋經

右說六齋八戒五念功德二經同本異譯

出中阿含經第五十五卷與持齋經同本

佛言如是奉持八戒五念爲佛法齋與天

參德滅惡興善後生天上終得泥洹是以

智者自力行出心作福今十六大國滿中

衆寶不可稱數不如一日受佛法齋如比  
其福者則十六國爲一豆耳天上廣遠不  
可稱說當今人間五十歲爲第一天上一  
日一夜第一四天上壽五百歲彼當人間  
公六九百萬歲佛法齋者得生此天上人間百  
歲爲忉利天上一日一夜忉利天壽千歲  
當人間三千六百萬歲人間二百歲爲鹽  
天上一日一夜鹽天壽二千歲當人間一  
億五千二百萬歲人間四百歲爲兜術天  
上一日一夜兜術天壽四千歲當人間六

億八百萬歲人間八百歲爲不驕樂天上  
一日一夜不驕樂天壽八千歲當人間二  
十三億四千萬歲人間千六百歲爲化應  
天上一日一夜化應天壽萬六千歲當人  
間九十二億一千六百萬歲若人有信有  
戒有聞有施有智奉佛法齋當命盡時其  
人精神皆生此六天上安隱快樂猗善衆  
多我少說耳凡人行善魂神上天受福無  
量

佛言一日一夜持八戒齋勝以十六大國

中珍寶布施齋戒使人得度世道以財寶

施不能使人得道我得佛道本是八戒若

欲速得阿羅漢道疾得佛道欲生天上端

心一意一月六齋一日一夜齋戒福不可

計譬如海水不可斗量一月十五日齋亦

善二十日齋亦善人多憂家事故與一月

六齋

鞞摩肅經

右異學謂色妙欲念佛爲說此經出中阿含經第五十七卷與鞞摩那修經同本異

譯

婆羅門子命終愛念不離經

右說愛生則有苦憂戚不樂等法出中阿含經第六十卷與愛生經同本異譯

十支居士八城人經

右阿難爲八城人等說此經出中阿含經第六十卷與八城經同本異譯

邪見經

右邪命問世間有邊無邊等義阿難爲說此經出中阿含經第六十卷與見經同本

異譯

箭喻經

右摩羅鳩摩羅問佛世間有邊無邊等義  
佛不答爲說此喻出中阿含經第六十卷  
與箭喻經同本異譯

別經異譯

戒德香經

右說戒香功德普熏無礙出增壹阿含經  
第十三卷地主品異譯

四人出現世間經

普法義經

廣義法門經

右舍利弗說顯示梵行種種離障證果方  
便廣義法門出中阿含經一品二經同本  
異譯七知經下五十三經並出中阿含中

右說四人先醜後妙謂生處卑陋而積善  
卷六  
生天先妙後醜謂生處尊榮而死墮惡道  
先醜後醜謂生處無福又復作惡死入惡  
道先妙後醜謂生處有福而復積善生天  
出增壹阿含經第十八卷四意斷品異譯

波斯匿王太后崩塵土塗身經

右王苦惱佛爲說法比名除憂患經出增壹阿含經第十八卷四意斷品異譯

須摩提女經

右與辭字函三摩竭經本同譯別出增壹

阿含經第二十二卷須陀品

婆羅門避死經

右說四婆羅門仙得五神通入空入海入

山入地避死不得皆各命終出增壹阿含

經第二十三卷增上品異譯

食施獲五福報經

右五福謂富壽顏色光澤端正多力身安  
出增壹阿含經第二十四卷善聚品異譯

頻毗婆羅王詣佛供養經

右說王供養佛聞法歡喜殊女等皆得法

眼淨出增壹阿含經第二十六卷等見品  
第六

異譯

長者子六過出家經

右說僧伽羅摩葉蒙事佛修道證果出增

壹阿含經第二十七卷聚品異譯

大藏聖教法寶標目卷第六

音釋

錯綜

錯七各切  
綜子宋切

憤

憤也房吻切

祛

去魚切

咤

咤也駕跡

切擯

切擯必刃切